

Шавкат Рассоқов

ЎЗЛИКНИ
АНГЛАШ ЗАВҚИ

ёхуд

Сизни ўзгартирадиган китоб



Шавкат Рассоқов



ЎЗЛИКНИ АНГЛАШ ЗАВҚИ



ёхуд

Сизни ўзгартирадиган китоб

УЎК: 159.9
КБК 84(5Ў)7
Р18

Масъул мухаррир — Муҳиддин Омон

Р18 **Раззоқов Ш.** Ўзликни англаш завқи:/Ш. Раззоқов. — Т.:
Cho'lpox nomidagi NMIU, 2014. — 96 б.
ISBN 978-9943-05-631-2

УЎК: 159.9
КБК 84(5Ў)7

ISBN 978-9943-05-631-2

2979/2

Зарназончи Ахед

© Шавкат Рассоқов, 2014
© Cho'lpox nomidagi NMIU, 2014



ҚАЛБНИ ЎЗГАРТИРАДИГАН КИТОБ

Азиз китобхон, ўйлаймизки, Сиз сўнгги йилларда оламга машҳур мутафаккирлар, донишмандлар ҳамда психолор олимларнинг илмий тавсиялари, ҳаётий тажрибалари асосида тайёрланаётган, инсон шахсияти, руҳий олами, ижтимоий муносабатларининг шаклланиши ва умуман борлиққа муносабати борасидаги китобларни кузатиб бормоқдасиз.

Бинобарин, ҳар бир киши муайян ёшга кириб, ақлинни танигандан сўнг, ўз түйғуларини, тафаккур тарзини, теграсидати кишиларга, оиласига, яқинларига муносабатларини бир қур назардан ўтказиб олишга эҳтиёж сезади.

Ва шу эҳтиёж ҳосиласи ўлароқ, бу оламда, ижтимоий маконда ўз мақомини аниқлайди. Айни шу изланишлари жараённида «Мен ўзи кимман, қандай одамман? Ота-онага қобил фарзанд бўла оллимми, ўз фарзандларим олдидаги оталик-оналик бурчими тўкис адo этяпманми? Бу ёруғ дунёга нега келганман, мақсадим, маслагим нималардан иборат? Ўтган йиллар ичида нималарни йўқотиб, нималарни қўлга киритдим? Келажагимни қандай қуришим лозим? Инсоний баҳт-саодат, баркамоллик деган тушунчаларга қай даражада дахлим бор?» — дей ўйланиб қолади. Ва бу ниҳоятда табиий ва инсон умрининг мазмунини белгилаб бергувчи жараёндир.

Амалиётчи психолог Шавкат Рассоқовнинг «Ўзликни англаш завқи ёхуд Сизни ўзгартирадиган китоб» номли ушбу китоби Сиз азизларга ўз-ўзингизни, аниқроғи ўзлигинизни таниб олишингизда бе-фараз кўмакчи ва дастуруламал бўлади, деган умиддамиз.

Зеро, муаллиф мазкур асарида ҳеч бирингиздан зигирича фарқ қўймайдиган, худди сиз яшаётган замон ва маконда, айнан Сизнинг шаҳрингизда, эҳтимол маҳалла ёки қишлоғингизда умргузаронлик қилаётган ўз қаҳрамонининг ажойиб ва гаройиб саргузаштлари, аниқроғи унинг ақлли ҳамсуҳбати бўлган «Инсоннинг руҳий-психологик ҳолатини кузатиш, таҳлил ва шарҳлаш орқали тадқиқ этиш мақсадида» ихтиро қилинган робот билан бир неча ой мобайнида давом этган мулоқотлари воситасида ҳеч қандай танбеҳу дашномларсиз, ваъзхонлигу панд-насиҳатларсиз Сизни ўзлигинизни кашф

этишга, бу фоний дунёда аслида кимлигингизни билиб олишга даъват қилиб аввало қалбингизни, кейин эса феълингизни таҳрир қиласди, барча қусурлардан тозалайди, ўй-фикрларингизни, ўзлигингиз ва умуман шахсиятингизни яхши томонга ўзгартиришга муваффақ бўлади.

Бундай бироз баландпарвозроқ, баъзи бир реклама роликлари-даги каби ғайриоддий таърифу тавсифимизга ишонгингиз келмаяп-тими? Унда марҳамат, Сизни ўзгартиралиган китоб саҳифалари мутолаангиз учун мунтазир...

*Муҳиддин Омон – Ўзбекистон Ёзувчилар
уюшмаси аъзоси, шоир, таржимон, ношир.*



«Кечаги күндан ўрганинг, бугунни яшанг, эртадан умид қилинг. Энг муҳими – савол беришдан тұхтаманғ».

Альберт Эйнштейн

ТАНИШУВ

Дүстимни излаб ишхонасига бордим. Жойида йўқ экан. Унинг кабинетига кириб бироз кутишга тўри келди. Чеккада турган курсига ўтириб хонани кўздан кечира бошладим ва бир бурчакда турган одам шаклидаги роботни кўриб қолдим. Дўстим янги машина устида ишлайдиганлигини айтган эди. Лекин бу ускуна робот эканлиги ҳаёлимга келмаган экан. Темирдан ясалган бўлса ҳам кўзлари худди тирик одамникуга ўхшайди. Тикилиб қараган сайин, қизиқишим ортаверди. Бир фурсат маҳлиё бўлиб уни томоша қилдим.

Нимагадир кайфиятим кўтарилиди ва ўрнимдан туриб икки букилиб: – Ассалому алайку-ум! – деб роботга таъзим қилдим. Ҳали гавдамни кўтаришга ҳам улгурмаган эдим-ки, «Ваалайкум ассалом», деган гулдураган овоздан сесканиб кетдим. Не кўз билан кўрайки, гапираётган – робот экан.

– Мен роботман. Сен кимсан? – деди робот, бирданига жон кирган кўзларини чараклатиб.

Астағифируллоҳ... Бунча кўзлари одамнинг ичига кириб кетмаса. Бир амаллаб эсимни ўнглаб олдим ва ўзим билмаган ҳолда:

– Мен одамман, – деб жавоб бердим, интиқиб.

Роботдан садо чиқмади. Нима бало, дўстим бу роботга келган меҳмонлар билан ҳазиллашиб учун фақат биргина гап ўртатиб кўйганмикин? Агар шундай бўлса, ҳазил менга ёқмади. Ўзимни худди кала-ка қилингандек сездим ва роботга қараб пичинг қилиб қўйдим:

– Ҳов қўғирчоқ, бирор билан гаплашиб учун лампочкалар та-қилган симёғоч эмас, одам бўлиш керак, тушундингми?!

Лекин бир дақиқа ўтар-ўтмас уялганимдан ўзим қизарганини сездим, чунки қўзини мендан узмасдан қараб турган робот яна тилга кирди ва у айтган гапдан кейин оғзим бир фурсат очиқ қолди.

– Мен шунчаки жавобингни таҳлил қилаётган эдим, – деди у. Тўғри, сен одамсан. Лекин бугунги кунда Ер юзида одамлар сони 7 миллиарддан ошган. Сенинг улардан нима фарқинг бор? Сен кимсан?

Очиқ қолган оғзимни бир амаллаб юмдим, лекин аъзои-баданимни совуқ тер босди. Ўзини яккаю ягона ва бетакрор деб ҳисоблаб юрган одамга бунақа гаплар худди мих қоқаётганды болғани нөхос бармоғига ургандек таъсир қилас экан. Азбаройи Худо, ўзимни йўқотиб қўйдим. Лекин негадир буни роботга сездирмасликка ҳаракат қилиб, соҳта табассум билан:

— Мен эркакман, — дедим.

Жавобимта нима дейиши мумкинлигини ўйлаб турганимда у яна тилга кирди.

— Бу гапингдан ҳам аслида кимлигингни англаб бўлмайди, — леди у. Чунки ғодамлардан ташқари барча тирик жонзотлар ҳам икки жинисга бўлинган ва бу маънода уларнинг сендан фарқи фақат паспорти йўқлигига. Сен кимсан?

Бу сафар бироз энсам қотгандек бўлди ва мен ўз исми-шарифимни айтдим. Робот яна бир дақиқа ўйланниб қолди ва луқма ташлади:

— Бугунги кунда сенинг исминг ва фамилияниг билан яшаб юрганлар сони фақат Ўзбекистоннинг ўзида роппа-роса 179 та. Сен уларнинг қайси бирисан?

Ўйланниб қолдим. Бироқ бу ўйланганим имтиҳонда берилган, умрингда эшитмаган масала устида ўйлашга ўхшаб кетарди. Чунки робот айтиётган бу «фанинг» «Ф» ҳарфи билан ҳам таниш эмасдим. Худди буни сезгандек робот бир пас жим турди-да, кейин бир маҳомда, лўнда-лўнда қилиб ганира бошлади:

— Исми-шарифинг, қасби-коринг, феъл-авторинг, одатларинг, қизиқишлиаринг ҳам сенинг кимлигингни билдирамайди. Нега деганда «фалончиман, фалон жойда ишлайман, фалон ишлар қилганман» дейдиганлар ҳам, сеникидай билим ва тажрибага эга бўлганлар ҳам, сенга ўхшаб турмуш кечирадиганлар ҳам сон-саноқсиз. Ҳаттоқи, одамзод тарихида яккаю-ёлғиз ҳисобланган буюк шахсларни ҳам бошқа бирор билан адаштириш мумкин. Тарихда иккита Искандар Зулқарнайн, учта Суқрот, тўртта Афлотун яшаб ўтган. Сен кимсан?

Роботнинг саволига жавоб бериш у ёқда турсин, қаердалигимни ҳам унуптиб қўйдим. Қанча вақт ўтганини билмадим, ниҳоят нима деяётганимни ўзим ҳам яхши англамаган ҳолда:

— Шунчаки яхши одамман, — дедим ва ўйламай отган гапим нишонга тегар деган умид билан кўз татидан аста унга қараб қўйдим. Лекин нишон умуман бошқа томонда экан шекилли, унинг чиройли кўзлари чақнаб:

— Бунга тумоним йўқ, — деди. Лекин мен сендан қандай эканлигингни эмас, кимлигингни сўрайпман. Қолаверса, дунёдаги энг ёвуз кимсалар ҳам ўзини «яхши одамман» деб ҳисоблайди. Шу вақтгача «Мен ёмон одамман» деб фақат Хўжа Насрилдин айта олган. Сен эса

Хўжа Насрилдинга ўхшамайсан. Шундай экан, кел, яхшию ёмонларни, хушфөъл ва бадфеълларни, машҳур ва оддийларни ҳам тинч қўйалик. Шахсан сен кимсан?

Бу темир-терсак тағин ҳазил ҳам қиласди-я. Тўрт томонга тарқалиб, мендан тобора узоқлашиб бораётган фикрларим ниҳоят тўхтаб мен томонга ўгирилишиди. Майли, мана сенга ҳазил.

— Мен севгилимнинг ёриман, — дедим ясама қувноқ оҳангда ва унга қараб тиржайиб қўйдим.

Робот жимиб қолди. Бу сафар робот тушунмаган нарсага тил теккиздим назаримда. Ҳа, тўғри-да, мия ўрнига микросхема, юрак ўрнига гидравлика ўрнатилган машина севги нималигини, ёр кимлигини қаердан билсин.

— Ҳой, япониялик қариндош, — дедим заҳархандалик билан. Дамингиз ичингизга тушиб қолди, нима бало ёки дисководингиз ишдан чиқдими?

Лекин пичинг ва заҳархандалик ҳатто темирни ҳам галиришга мажбур қиласди. Ичидан худди пашша «зингиллаши»га ўхшаган сас чиқариб турган робот бир-икки дақиқадан кейин тилга кирди ва сұхбатимизни тўхтаган жойидан давом эттириди:

— У ҳолда сен севимли ёр бўлишдан олдин Ким бўлгансан? Қолаверса, вақт ўтиб, «Мен севикли ёрман» деб айтишга уяладиган ёшга етганингдан кейин Ким бўласан?

Бу гап менга ёқмади. Жавоб бермадим. Одам шаклидаги бу ғалати мосламадан кўрқа бошлиганимни сездим ва бундай шароитда жуфтакни ростлаш энг маъқул ишдек туюлди. Секин эшик томонга бурилдим ва оёқ учида бир икки қадам ташлаган эдим робот кетимдан тап отди:

— Балки сен ўзингни «Худонинг бандасиман, мусулмонман» деб ҳисобларсан?

Бу гап диққатимни тортиб, баданимга жон киритгандай бўлди. Тўхтаб аста унга қарадим. «Ўзинг биларкансан-ку, ярамас, нима қилардинг мени шунча қўйнаб?» — дедим ичимда. Нимага олдинроқ шуни айтмабман, деб турган эдим у гапини давом эттириди:

— Сенга бу гап маъқул бўлганга ўхшайди. Жуда яхши. Демак сен ўзингни Аллохнинг итоаткор қулиман, деб ҳисоблайсан. Бу дегани сен Парвардигорнинг амрларига бўйсунасан. Яъни: шукрни биласан, тилинг ёки кўлинг билан бошқаларга озор етказмайсан, дунё неъматларига ҳирс қўймагансан, нафсингга қул эмассан, бирорларни гийбат қилиб бошқаларга ҳасад қилмайсан, ёлрон гапирмайсан, бирорнинг ҳаққини емайсан, ҳеч кимга нафрат билан қарамайсан. Шундайми?

Мен лом-мим дея олмадим. Мендан садо чиқмаганидан кейин робот бу мавзуга ҳам нуқта қўйди:

— Агар шундай бўлса сен фариштасан ва сен Ерда эмас, осмонда бўлишинг керак эди. Лекин сен Ерасан, унда сен кимсан?

Мен тошдек қотиб туравердим, у эса ўзининг ҳеч қандай эъти-
розга жой қолдирмайдиган мулоҳазаларини давом эттириди:

— Эҳтимол, сен ўзингни «ота-онамнинг фарзандиман» дерсан? Ундан бўлса ўзингни дунёда эмас, мамлакатда эмас, лоақал ўз маҳаллангдаги барча «фарзандман» деб юрганларнинг энг муносибиман, деб айта оласанми? «Юрагимнинг энг позик жойидан тутдинг-ку, номард», деб кўнглимлан ўтказдим.

— Ахир сен ўзингни дунёда ягона, энг муносиб, энг яхши, энг ақлли деб ҳисоблайсан-ку, — давом этди у. — Хўш, сенинг бошқалар орасида ягоналигинг, бетакрорлигинг нимада? Атрофинингдагилар сени бошига кўтариб юришибдими ёки қандай ажойиб одам эканлигинги билмаганилклари туфайли қадрингга етишмаяптими? Майли, сенинг қадрингга етмаганларни қўйиб турайлик. Хўш, Сен ўзинг учун кимсан?

Мен индамадим, чунки бунақангি савол умримда хаёлимга келмаган. Лекин нима учун тўғри гап түққанингга ёқмаслигини бир зумда аниқ тушуниб етдим ва ўзимни худди кўччанинг қоқ ўртасида ялонгоч ҳолда қолган одамдек сезиб, саросимага туша бошладим.

— Ажабо, — деди мендан жавоб чиқмаслигини сезган робот, — наҳотки сен ўзингни кимлигингни билмасанг, наҳотки бу тўғрида ўйлаб кўрмаган бўлсанг? Бу тўғрида ўйлашга ҳали эртами ёки аксинча, энди кеч бўлдимикин? Ҳақиқатан ҳам бир сабаби бордир. Лекин ҳайратланарлиси — сен бу тўғрида ўйлаб кўрмаганингда эмас, ўзингнинг кимлигингни билмасдан туриб, бошқаларнинг кимлигини билишинингда, уларнинг устидан ҳукм чиқара олишингда, яъни яхшини ёмоядан, ақллини ақлсиздан, тўғрини нотўғридан ажратса олишингда. Ёки сен бундай қильмайсанми?

Робот гапни қаерга бураётганлигини учалик аигламадим ва яқин орада ит борлигини сезган мушукдек кўзларимни ҳар томонга аланглатиб туравердим.

— Ҳа, сени билмадиму, лекин кўпчилик одамлар бир умр шундай қилиб келишади, — давом этди у. Болалигидан бошлаб «яхши» дўст ахтаришади, «ёмонларни» эса нафақат рад қилиш, балки тайти келганда, кучи етса адабини ҳам беришга ҳаракат қилишади. Одамларнинг аксарияти кимнинг Ким эканлитини жуда яхши биламан, деб ўйлашади, айниқса ўз яқинларини. Улар ўз оға-инилари ва фарзандларини нафақат Ким эканлигини, балки келажакда Ким бўлиши кераклигини ҳам аниқ биламан, деб ҳисоблашади. Кези келганда ўз тасаввури бўйича уларга «тўғри тарбия бериш»га «тўғри йўлга солиш»га ҳам



- Lituz.com
Elektron kitoblar

**To'liq qismini Shu tugmani
bosish orqali sotib oling!**